

嘉慶延安府志

延安府志卷六十一

傳錄六

前志

史家著作成書必取前人撰述彙而列之所以辨家學之淵源明折衷之有自也司馬遷十二諸侯表叙則于呂覽虞卿鐸椒左邱明諸家所爲春秋家言反覆推明著書之旨蓋卽百三十篇所由祖述耳班固作遷列傳范氏作固列傳家學具存至沈約之傳范氏姚氏之傳沈約不以史事專篇爲重于是史家不復有祖述淵源之法矣今茲修志而不爲前志作傳是直接人所有而沒其姓名又甚于

沈姚之不存家學也蓋州縣舊志有五易亡主修之官與
載筆之士撰著文詞不分名實一也序跋虛設于書無所
發明二也作志之人行業不詳三也書之取裁不標所自
四也志當遞續非萬不得已不當迭改迭改之書而欲並
存繁重難勝五也于易亡之書而爲之作傳蓋不得已而
存之推明其故以爲後人例也

延安府明志燬無考

國朝凡再修順治十七年知府牛天宿等二人康熙十九年
知府陳天植等八人

牛天宿章邱人以進士于順治十七年任延安府知府與

膚施縣中書趙廷錫創修延安府志未就天宿序曰郡之有志猶國之有史史總其合志載其分故輯九有之方物而禹貢成採十五國之風謠而詩禮備卽遷因陳范諸人罔不博搜遠覽以備一代之觀使州郡不貢其掌故亦烏能集衆狐而成裘濫細流而成川哉况乎昔型藉以昭宣今人視爲觀法郡而無志猶瞽者之無相俚佺乎其何之哉余不敏代旣金明叱馭入境觀其峯巖嶙峋川原浩蕩佳水名山不減山陰道上竊幸文獻之邦其典章文物足以備師資而醫寒儉以故甫下車卽蒐索郡乘用佐興釐之萬一迺訊諸父老紳士僉曰兵燹以來圖書版籍舉付

煨燼予惘然自失者久之方將招流亡勸開墾舉廢墜課
耕桑心勞于案牘身疲于應酬一郡大典勿克修舉予愧
滋甚未一歲而巡茶使者有通志之修檄下延郡予益茫
然無以應也爰是檄行十九屬中曰庶幾有博聞碩士探
响屨之藏抉瓊環之秘其人者乎足以商千秋事業矣乃
應者半違者亦半或舉其偏而弗悉其全或書其人而弗
詳其事或年月乖違或魚豕譌謬每一披閱徒滋浩歎郡
志之修蓋戛戛乎其難哉蓋黃考成于鋒鎬洽問化爲麟
火則容詠難故府遺編咸歸烈燭大家秘笈旋逐麈尾則
蒐討難以至組綬靈依于華表鉛朱魂繞于彤編幽原既

滯其英魂暴骨弗歸乎姓氏則紀載更難爾迺走荒原而
詢遺獻撥苔蘚而搜斷碑凡古今吏治之得失風俗人物
之盛衰忠孝節義之芳躅名卿碩士之遺跡以及秀峯靈
秘之蹟元亭西室之藏罔不殫心研究補殘缺訂訛謬先
錄舊聞後錄新編浹五月而帙粗就然或古今難以膠柱
聞見各持堅白號曰信史怒焉懼之適趙君玉譜南宮熹
旋予乃躍然曰千秋事業端在是矣玉譜以太傅之裔攻
縵紉之業博物洽聞僑盼勿讓况生于此地而誌斯地之
事如數家珍勿爽毫髮者乎今讀其所論次簡而核嚴而
蕭卓乎有良史風予乃得藉手以告厥成矣卽不敢謂足

備輶軒之采而典型在望或可幸寡過之有地耳

趙廷錫序曰志何昉乎說者曰自竇威始不信經不信史而信傳後世之不苟若也然上古九邱八索三墳諸書伐冢者矣以多茲爲莽莽也自攝提合雜循蜚䟽仡而下禹貢分九州以紀疆域紀田賦已開志之祖矣稽之周禮諸國之志小史掌之四方之志外史掌之又何嘗自竇威始也志者史之流史以翼經志以翼史殊塗而同歸者此也昔空同子論志之觀者三而總微于道其綜古今核名實可以觀學學以昭事事以布文卽褒貶寓勸懲可以觀政政以行遠遠以徵信比例屬詞編年記事可以觀世然論

世知人而其政彰其學淳以興民行以敦民風皆于焉繫
故曰總徹于道志固可易言歟他不具論一統志近于侈
輿圖志近于略山謙懷文之區邑志近于繁雜而無紀何
以詳略稱善使伐冢者以不多茲爲莽莽也明興詔天下
郡邑各以志獻與版籍同登金華學士嘗總其成至世宗
再下編緝之令而稱大備矣但風移俗易三十年則爲一
世志之與時推遷與日注等增修安可勿亟亟也吾延舊
志自宏治壬戌太守王公彥奇曾一修之二百年來各邑
之增茸時或間聞而獨郡志則闕然如故其梨棗之藏奸
胥每竊以爲薪至鼎革則蕩然俱盡矣觀風守土之使奉

命而來首詢利弊亦時掌故是求卽殘編蠹蝕者亦不可得
文獻無徵寧獨杞宋足慨予方伏櫪芸窗焚膏之餘時懷
蒐討之志走檄購引閱十年而得一帙方全志之半亦成
宏以前事辛丑秋首予方歸里太守牛公上承徵志之舉
而徧催各邑槩以無所考爲遲遲因以謀之于予予搜舊
槧集新聞雖構一成書而缺略者多嗣歷滄桑授梓爲歎
余亦匆匆入都風塵久之每以吾延之志未嘗頃刻置諸
懷也一日余弟走書曰郡守陳公蒞政吾延勸農課士之
暇停簿書而理几視卽以余之積草博徵遠稽郡志已告
成矣余之縈懷者十數年今志之成豈非快事哉余今補

舍人官其亦猶周之小史天下古今之書籍國志俱貯宏
文庫此亦余之責也若吾延之志得藉陳公以傳不朽余
數千里外思陳公之教愧未親炙然神往左右景行在望
聞擇其吾延之能文者彙輯之公聽斷之條無不親加參
校勒成全志豈啻山川改觀人文亦爲之生色異口贈軒
之使采風問俗以上備顧問以下資學士大夫之考訂無
不嘉公之著作且幸予志之得成于公也故附諸公後而
爲之序

陳天植浙江永嘉人以貢士于康熙十六年任延安府知
府于十八年與清澗人翰林院檢討白乃貞同知王際有

王守錄教授黎時雍膚施縣教諭王象斗膚施人因子監

候補學正趙廷殿中部布衣劉爾憐膚施生員武經周等

增修書成目錄一卷附圖四曰星圖曰疆域圖曰城圖曰

邊圖表一曰沿革表志十卷輿地第一曰星野曰沿革曰

疆域附河套曰災祥曰風俗曰形勝曰城池附鎮堡曰古

蹟曰山川附泉井池潭曰景致凡十部建置第二曰公署

曰學校附善院社學曰坊表曰倉場曰驛鋪曰關梁凡六

部田賦第三曰戶口附存留曰地畝曰站支曰鹽法曰物

產凡五部兵防第四曰兵制曰屯田曰馬政附茶曰糧餉

曰軍器附烽火秩祀第五曰祠祀曰寺觀曰陵墓凡三部

官秩第六曰封建曰職官曰宦績凡三部選舉第七曰
辟曰進士曰鄉舉曰貢選曰武職曰封蔭曰武科凡七部
人物第八曰列傳曰孝義曰忠烈曰列女曰隱逸曰流寓
曰仙釋凡七部紀載第九曰紀事 附僭竊盜賊 藝文第十

曰

御製曰奏疏曰條議曰書曰碑記曰序曰墓志曰文曰詩凡
九部十八年修起至十九年功竣書徒列名目挂漏甚衆
又引用故實失于不考然創始之難自古已然要其搜採
固已勤矣天植叙曰於鑠

皇清奄有四海三十餘年撥文奮武赫然覃被猗與盛哉洵

足駕漢唐而軼商周且購求遺書

詔天下郡國各以志來上殆將集六合之實編爲一統之全書大哉

王言真監數代之章程而垂奕世之雅化于無窮也各憲仰

承

聖天子右文崇治之深心曾彙纂全秦志亦既上下古今大小州邑靡不條分縷悉彬彬乎質文相宣較若列眉矣治郡者憲章而力行之亦何不可以治全秦者治茲一郡乎然志全秦者其綱而志一郡者其目也故綱不得不謂之要而目不可不謂之詳甚哉郡之不可無專志而治郡者

之不可不知所志也歲乙卯延安再勞

王師甫經戡定政涉淵求濟之日丁巳春各憲不以天植爲
樸楸材薦守是邦

命後惴惴危懼恐不克勝任以貽蚊負羞受事來行適靡塵
見夫荒城絕域城社邱墟黍離麥秀之感搖搖心口爰思
康田引養哀我憚人而集此中澤之鴻雁二載間拮据况
率不遺餘力亦旣枹鼓不聞瘡痍寔復然欲周知土風之
利弊政教之因革與其師心而行之何如議事以爲治猶
憶余嘗筮仕山海曾纂一志以佐智力之不逮顧茲延郡
重地當秦關百二之雄輿圖遼瀾生齒繁衍守土者欲敷

化而宜民苟不做郡志爲董戒規竊恐宜于古而未必宜
于今便于彼而未必便于此則大小馮君韓范諸公得不
笑人千古甚哉郡志之有關於政教也夫豈淺鮮哉因咨
士人而訪厥志念舊郡有集版籍殘燬久未修舉前守牛
公暨中翰王譜趙鄉先生嘗留心志乘草纂成編槩略未
梓植議加訂續謀登梨棗遂而共說于各憲臺蒙俞其請
計詣榆憲王榆鎮大帥高副戎謝及及各協路列藩郡屬
僚友相與捐貲共襄厥成然卷帙若若慮難卒業遂造求
湖南方伯梁公薛粵東臬司仲錫王兩鄉先生因所以襄
段青之費乎亦以示斯舉之不敢專也庶既定而敢請清

劉太史蓮淵白鄉先生總裁之聘中部處士劉敬子膺施
國學正蔚生鄉先生纂輯之郡博黎君邑鐸王君黎四而
被正之文學姚子青陽考訂之碩諸公以曠世才洞達古
今貫徹邱索而于一郡之利弊因革知之綦詳與之蒐州
邑之紀乘考衛所之故實或本舊章而修飾之或各出見
聞而增補之缺者備而外者叙書凡若干卷幾閱月而稿
乃脫見夫郡圖之疆理麗列宿星躔之度數有定限則志
分野卽可以察災祥幅輳之廣狹必紀山川之形勝悉書
則志地輿卽可以驗物產州邑有更名城池或異處建置
于是志沿革廟祀修蒸嘗陵墓須豆登秩祀于是志崇報

學校志人文考土風之盛衰公署志修廢勸在公之堂構
戶口之登耗有志其思所以卹之風俗之淳漓有志共知
所以易之遠稽往古近述當代治績之留人心者則名宦
志而觀感興顯而策名晦而肥遯俊造之篤域中者則人
物志而景行切志關梁志驛鋪詎可忘先時之修葺及時
之暨茨志田賦志兵制尚其念民力之普存軍興之要劇
孝行志也予以勵子職忠烈志也予以表臣節貞婦志也
予以樹女德且鄉會之志文科名所以作士也韜畧之志
武制策之所以選將也以至仙釋之志其人藝文之志其
名與夫勝景臺榭之志其處見羽化之間出不偶心聲之

規諷攸關而古蹟之憑弔可徵也此志之必詳于日者類皆統于綱之之要中植願與十九屬良州牧賢邑宰學廣文披閱而思利弊之咸善觸目而知因革之悉當于以仰承各憲宣化之至意因以上佐

天子右文崇治之深心于萬一云是爲序

白乃貞叙曰關中形勝甲天下而烏延獨據上游左以黃河爲塞右以長城爲臂凡州邑之隸延郡者或當要衝或居僻地大而百雉小如彈丸莫不相爲犄角以屏障全秦實爲關中北部自雲書烏紀而後德化若兩馮君節度若郭汾陽經畧若韓范皆文教與武功兼治而生其土者在

在蔚興代不乏人未易以更僕數則延郡固關中最勝地
也在昔

世廟銳意求治綜核名實察天下郡邑之煩劇難治者號爲
大府大縣

勅銓部簡閱全才往治之而延郡以地廣民貧正供不敷列
于大府與江左蘇松諸大府埒嗣此必慎簡經緯全才祿
以二千石用守是郡復循舊制

命大將軍選調良將勁兵分鎮其地以爲久長之策三十餘
年亦旣德威並著守禦得所矣歲在乙卯郡西兵變搶攘
境內致煩

奈旅旋復底定丙辰歲太守陳公以渤海名宿剖符來蒞茲
土公自通籍以迄今茲治績歷歷有聲其甫治是郡也當
兵燹之後毅然以鎮大綱立大法爲已任未朞月而百廢
具興念舊郡有志經亂燼于烽燧順治辛丑太守牛公中
翰趙子玉譜草創未備又復二十年思輯補成書登諸梨
棗以垂永久而卷帙浩繁必需之歲月方可卒業其間開
館延賢脯資餼率梓人剗剔之費虞其不貲于是謀諸分
鎮將軍謝公相與協力共襄此舉屢趣名余謂管窺修
大訓習于史裁尚尾勉以成此書予以臥病多日等研久蕪
辭不獲乃遺書劉子敬子趙子廣臣共肆蒐羅劉子爲橋

山處士淹貫古今能以文獻世其家且雅好山水是以于諸州邑風土景物與夫輿人之所誦美月旦之所品題者無不悉聞而悉見之賡臣爲太傅猶子玉譜難弟家學淵源早擅時譽舉博學宏詞公旣俾以編摩經數月而書成公復裁訂脫稿宏博而兼之以精覈見夫天官諸書所載凡郡必上麗于星經歷代因革郡有異名而異地襟帶四塞山川阻隘郡所持以爲險也于是乎志輿地臨民崇居正之位育才重學官之地坊表倉廩昔之所營或爲今之所廢皇華以通來往關梁以嚴稽察也于是乎志建置則壤定風庸調有征維政以阜財方物之必貢戎兵屯田馬

政之必講也于是乎志田賦兵防歲時崇報郡之所奉以從典祀則秩祀不得不志其先世治郡與治諸州邑而有功德于民者自前代以洎

本朝凡官茲土者例得並紀則官秩志焉三年賓興宴曲江鹿鳴鷹揚濟濟有人而明經一科亦漢世所重武勲自將軍而校尉而材官延綬號將藪焉則選舉不可以無志其挺生郡內與各屬而稱爲人傑者宜列之傳卓行忠烈赫赫在人耳目隱逸高尚千古清風幽閨芳躅可維世教至仙釋脫塵異趣亦足振靡而流寓多騷人達士則人物何可無志若夫文章可以覘氣運謳吟可以觀民風則志其

藝文如此可謂全矣公之俾以編摩也洵得人哉書成而命余一言弁其卷首以余之知劉子亦何敢以諛詞夸美歟姑述其志之顛末與我公勤政之深心以俟珥筆者採焉異日

天子褒功以公之治延者寄以分陝之司將海內蒼生皆得沐其深仁厚澤而

國家實嘉賴之由是以身係天下之安而出入將相若馮郭韓范諸公載在正史爲萬世所取法卽于此見其一班云趙廷慶叙曰西漢有地理志其後著述家類多因之一郡一邑皆各自爲志夫郡之有志猶國之有史也匪志其可

書而記者將何以詒天下後世延爲三秦大郡歷代有志
至明初一修于太守王公彥奇再修于延長教諭楊懷甘
泉教諭李健略而弗詳今又將百年徵文徵獻益難問矣
辛丑余兄廷錫捷南官歸太守牛公天宿每晤輒孜孜以
修志請時余兄弟偕二三友傍披廣採摭拾成稿多所未
脩我

皇上躬理萬幾博洽古今特

詔天下編輯通志撫軍藩憲屢檄星催乃僅索稿以進郡志
終缺豈爲政者不知所重耶匪其人弗任匪其時弗成固
亦艱矣余走都門二年得耳我郡守陳公以兩浙名俊來

守延疆禮士恤民建樓修學種種循聲已在人耳目間但郡志久廢若藉口首倡頗爲興輯誠不朽盛事也今年余因需次旋里謁陳公公曰延屬雍井要區烽燧宴息百務漸舉書以記事不可無志延之志茲其時不可失也疇哉定疇討論疇編次疇較訂余以太史乃貞徵君爾懌明經一識友竹茂才經周祖頡偉祐克執進公口子亦可以佐之廷颺唯唯隨與副戎謝公僉謀捐貲馳使徵聘衆皆集公喜曰事濟矣乃彙以文乃集以事乃程以工攷諸先志序有云泰之舊志披以新聞爲圖于首則職方氏之遺意列志于後則班孟堅之家法旨哉斯言吾師之此志也綱

舉而日張察古今則有建置沿革志順地利則有疆域城池山川形勝志觀民情則有風俗志敷教化則有學校志公署以居闕以譏梁以渡祠廟以祀邱墓古蹟以藏以識名宦人物忠節孝義以樹風聲啟景行兵防以尚守禦紀載以備咨詢下至倉場驛鋪寺觀仙釋流寓亦不遺焉煌煌

國制吾從之其他若戶口地畝官秩選舉疏議詞翰之類或因舊爲新或推略爲詳皆有裨于郡治初非旁涉以誇多也猗歟延志之修二百年來僅此一見亦其數使然歟實主持者與纂修者之功爲益大矣

劉爾惲序曰：桐山之下有阻水，溯游可十五里。慈烏水與沮合，川廣而複，各有流仙亭山。既止，諸水匯焉，爲三河口。其西北七十里，多奇峰，蔚然秀者，則西山也。山峭下峪深，竊折而北，古洞出懸崖上，名唐峪洞。西行數武，山口狹，兩壁如合，壁上有花石峽三字，斷岸千尺，涉者級石懸藤，及其半然後僂僂由曲竇以達內，復豁然朗也。泉流清冽，嘉木參差，春夏之交，桃花滿岸，黃鳥時至。余結廬其中，獨與老妻稚子一痴僕居，經年罕得見樵者，唯觀泉涓涓始流，則負耒耕三河，稼納則卽還。二十年來，親故澗絕，並不及世內事，往謬承郡士大夫舉，隱逸又以博學宏詞舉，固辭。

勿獲至郡却聘太守以纂志命今又趣之來曰著書山人
事也子嘗有事雍書矣玉譜舊志曾同訂者至再榆志又
舟石相授以爲傳之其人者盡爲我編次之予留清涼山
縱觀諸子之作爲輿地建置田賦秩祀官秩選舉人物藝
文諸志益以兵防紀載成十卷歌曰山之西兮有茅廬鶴
歸兮問余山人何往兮輕著書歸來歸來兮城市未可久
居太守曰且往歸哉宜有序又歌曰終南多白雲兮南山
有芝彼美人兮悠悠我思种放有言兮吾師身既隱兮焉
用文之太守大笑命書之卽以爲序

延安府志卷六十二

傳錄六

前志

膚施縣無志事俱附康熙十八年知府陳天植所修府志
中十九年訖乾隆四十四年事蹟據知縣張子治縣冊
安塞縣明志毀

國朝凡再修順治十八年知縣李暉縣人郭指南趙錫允韓
一識馬駒五人乾隆四十四年署知縣任雲書知縣湯特
詔教諭席測聖典史呂國英縣人貢生韓寶雲飛鶴六人
俱無鑄本

李暉順天大興籍山西翼城人以舉人于順治十八年任
安塞縣知縣修縣志凡十卷地理第一曰建置曰分野曰
形勝曰縣城曰城池曰門禁曰堡墩曰山川曰古蹟曰風
俗宮室第二曰縣治曰公廨曰倉庫曰草場曰牌坊曰祠
廟曰聊亭曰鋪舍曰演武亭曰集市曰陵墓曰養濟院曰
義冢學校第三曰文廟曰儒學曰社學壇壝第四曰西壇
曰南壇曰北壇關梁第五曰關口曰橋梁田賦第六曰戶
口曰田賦曰里甲曰課程曰物產職官第七曰官職曰名
宦曰邑令曰邑博曰邑尉曰流寓人物第八曰鄉賢曰徵
辟曰科曰曰明經曰守將曰寓將曰將材曰孝行曰例監

曰方正曰節烈曰仙釋災異第九曰蝗蟲曰大水曰夏旱
曰大饑曰赤風曰雨土曰地震曰水災曰天鼓鳴藝文第
十曰奏疏曰雜著曰題詠每篇末皆有總論

任雲書江蘇溧陽人以副貢生于乾隆四十三年署安塞
縣知縣湯特詔雲南彌勒人以舉人于乾隆四十四年任
安塞縣知縣續修縣志一卷部分一依李志唯無壇壝關
梁災異藝文四部

甘泉縣無志乾隆四十一年知縣玉星燭創修

玉星燭廣西新寧州人以進士于乾隆三十一年任甘泉
縣知縣輯甘泉縣事宜二卷曰疆域曰形勝曰風俗曰山

川曰城池曰公署曰學校曰廟壇曰倉廩曰兵防曰物產
曰職官曰名宦曰選舉曰封蔭曰官業曰孝義曰積學曰
貞節曰古蹟曰寺觀曰藝文凡二十二門頗有條理星燭
序曰甘泉自唐改建縣治向無勒成志書其間一切記載
多所缺畧茲檢閱歷任鈔留殘牒有關于邑乘事宜者爲
之悉心查考並擇學內諸生徧加採訪得有數十餘條未
免中多不醇不備至于星野沿革各類悉載省府志中舊
稿無有遺留他如額征戶口俸食站支鹽課等項已備載
司頒賦役全書無庸備錄所有分類抄錄二本遵檄呈送
以備採擇焉

保安縣明無志

國朝順治七年知縣張嗣賢等五人創修無鐫本八年至乾隆四十六年據縣冊

張嗣賢順天大興人以拔貢生于順治 年任保安縣知縣與縣人教授邊楨教諭劉謙候選通判王國章貢生王政新共草創縣志一卷曰地理曰建置曰祠祀曰田賦曰官師曰人物曰選舉殊無條理不足採擇

安定縣明成化萬歷二志俱燬

國朝凡三修雍正八年知縣吳瑛等三人乾隆十七年知縣高士超等八人四十四年知縣葉正揚等九人俱無鐫本

吳瑛山東歷城人以賢良方正保舉于雍正八年任安定
縣知縣與縣人進士王鴻薦舉人南功懋共修縣志今不
存

高士超浙江湖州人以進士于乾隆十七年任安定縣知
縣與訓導郭永康典史俞志棟縣人進士南曰廷舉人王
鴻文貢生南棠石復賢白瑜重修縣志凡 卷曰疆域曰
山川曰城池曰公廨曰倉局曰坊表曰橋梁曰恤政曰集
鎮曰鑿鋪曰官師曰田賦曰人丁曰起運曰存留曰課稅
曰倉儲曰社倉曰蠲免曰鹽務曰學校曰古蹟曰土產曰
壇壝 附寺宇 曰風俗曰水利曰節候曰災祥曰兵制曰紀

事曰驛站曰選舉曰徵聘曰鄉舉曰續載曰貢選曰將材
曰掾仕曰人物曰宦業曰文行曰隱隱曰封蔭曰鄉飲曰
忠烈曰孝友曰烈女曰義士曰藝文曰碑記曰鐘銘曰節
婦傳曰詩

葉正揚廣東新興人以副貢生于乾隆四十三年任安定
縣知縣與訓導龔繼勝典史張星縣人舉人王以清貢生
史問孫家修廩生劉公摧南其瑒薛其香因高志績編乾
隆十七年以後二十八年事宜曰官師曰宦蹟曰蠲免曰
城池曰倉廩曰進士曰鄉舉曰武舉曰貢選曰掾仕曰封
蔭曰孝子曰節婦曰人物曰文行曰義士曰鄉飲曰藝文

四十四年告竣

宜川縣明無志

國朝凡再修乾隆十八年知縣吳炳等二人四十四年知縣方顯德方志無鐫本

吳炳江西南豐人以進士于乾隆十七年任宜川縣知縣與訓導王綬極劄修縣志共十卷首卷列序及纂修姓氏

并縣境縣治文廟縣署壺口五園方輿志第一曰星野氣

賦附曰沿革曰疆域形勝附曰城池鎮集附曰山川曰里

甲曰古蹟曰勝景曰風俗曰災祥建置志第二曰公署曰學校書院附曰倉儲曰關梁曰兵制曰驛鋪曰堡寨曰坊

表田賦志第三曰地糧曰戶役曰屯衛曰鹽課曰雜課曰
物產祠祀志第四曰壇廟曰寺觀曰冢墓官師志第五曰
封建曰職官曰名宦選舉志第六曰進士曰鄉舉曰貢選
職監附

曰封蔭曰武職人物志第七曰先賢曰文學曰孝
義曰列女曰流寓藝文志第八曰制勅曰奏疏曰申詳曰
條議曰文曰詩卷末雜紀及後序編次頗有調理其序列
曰一宜川向無志書數千餘載之事漫無統紀雖有邑人
私紀一二草本皆踈漏舛錯文不雅馴而通志爲全省總
匯理宜簡括邑事勢不能多載郡志屬宜地者亦屬爾時
邑人所編送譌缺尤多茲取通志郡志已具者增其未備

正其傳訛餘俱殫力搜討悉心諮訪而得雖未敢云成書而體要略具矣 一志分爲綱八爲目四十有六有相類者附于各條之後而無從歸類者別編雜紀一則綱有序以統其要目有論以闡其義度綱舉目列瞭如指掌 一各志中有考究異同訂證譌謬之處或別附各志之後或卽列各條之下總期低悟立見而辨正不勞 一誌中有圖所以別都鄙正疆界不可忽也通志郡志尚屬依稀彷彿今確核其方向遠近歆正橫斜而一邑之形勢略備矣 一山川里甲堡寨壇廟等類俱註明某里某邨確查何起何止庶便于稽考 一田賦等誌俱遵賦役全書寧詳

毋略以經制攸闕故也舊額新增條分縷晰因革損益之
故亦從此可窺 一職官他志惟勝國迄近代爲詳今蒐
集群書并各祠廟石刻凡係丹宜等官皆所必錄若萬無
考據者姑闕之然較通志郡志所增不啻倍矣 一人物
中隱逸方伎釋道等類各誌皆有今實無其人不欲強附
一藝文除制勅奏疏詳議外各詩文見諸石刻者多有
然邱廟游詞學究藝語所在皆是簡汰諸篇登之梨棗寧
嚴毋濫庶不貽笑大方

方顯德湖南長沙人以舉人于乾隆四十一年任宜川縣
知縣續修宜川事宜冊二卷部分一如異志四十四年告

竣

延長縣明崇正中貢生李養伸創修縣志

國朝凡三修康熙十四年知縣孫芳馨等二人雍正中縣學生郭境阜增修俱未就乾隆二十七年知縣王崇禮等四人
人有鐫本

孫芳馨遼東人廕生以隨征功于康熙十四年任延長縣知縣延貢生樊鍾秀纂輯縣志未成雍正中縣學生郭境阜踵成之然體式未備紀載亦舛錯

王崇禮湖南安化人以舉人于乾隆二十三年任延長縣知縣二十七年與原任延長縣學訓導藍衣經湖南舉生

三景易清澗增廣生王綬以孫郭二志爲本續成增訂縣志凡十卷方輿志第一曰星野曰建邑曰疆域曰山川曰古蹟曰八景曰氣候曰災祥建置志第二曰城池曰公署曰學校曰倉儲曰兵制曰驛鋪曰鎮堡曰關梁附編戶曰坊表賦役志第三曰地糧曰戶口曰里甲曰鹽課曰雜課曰站支曰解款食貨志第四曰物產曰服食曰器用曰宮室風俗志第五曰歲節曰男女曰生計曰葬祭曰宴會曰祈禳曰沿習秩祀志第六曰壇廟曰寺觀曰陵墓官師志第七曰封建曰職官曰名宦曰循吏選舉志第八曰進士曰舉人曰貢士曰封蔭曰職監曰樣吏人物志第九曰鄉

賢曰忠烈曰孝義曰儒行曰宦績曰烈女曰流寓曰仙釋
藝文志第十曰誥勅曰奏疏曰條議曰誥文曰示諭曰記
曰序曰引曰詩其食貨風俗諸志甚有史裁序例曰一邑
歷來無志本明繼李明經養伸始著縣紀事畧

國朝康熙中前令孫芳馨延樊明經纂稿未就雍正中邑郭
生境阜稍有增訂然體式未備紀載亦淆今所纂輯資藍
本者十之二三出已臆者十之七八卷尾間載諸公評語
者不沒前勞也 一志中各圖除是野度數揣測不無附
會餘皆縮視形勢繪寫肖真閱者不必步覽臥遊而通邑
規模瞭然在目 一名宦人物原入通志郡志者固不敢

遊其述時增傳如儒行節孝等類率准蓋棺論定之義餘
雖行乎公論俱當留俟將來若宦績隱逸仙釋方伎等名
事無實據多行刑削 一藝文必有闕典故與國計民生
者方爲錄刊其餘老生常談寧削無濫 一省志郡志基
于縣稿間有徵稿時率筆閉呈照載者今皆改正之惟求
徵實破疑非敢立異

延川縣明志無

國朝凡再修順治十七年知縣劉毅雍正三年知縣李近陽
等三人俱有鐫本四年至乾隆四十四年據縣冊

劉毅山西保德人以副貢生于順治十一年任延川縣知

縣制修縣志一卷圖一曰縣境圖曰城圖曰縣治圖曰儒
學圖地理志第二曰建置曰分野曰形勢曰疆域曰城池
曰山川曰古蹟曰風俗官室志第三曰縣治曰公廨曰倉
庫曰草場曰牌坊曰祠廟曰郵亭曰鋪舍曰演武亭曰集
市曰養濟院曰義冢學校志第四曰文廟曰社學壇壝志
第五曰南壇曰北壇津梁志第六曰渡口曰橋梁田賦志
第七曰戶口曰田賦曰里甲曰課程曰物產職官志第八
曰官秩考曰名宦曰邑令曰邑博曰邑尉曰驛丞人物志
第九曰鄉賢曰徵辟曰科目曰貢選曰例監曰孝行曰貞
烈災慶志第十曰地震曰蝗蟲曰饑饉曰水災藝文志第

十一曰題詠曰碑記序例曰一凡官室等舊存今廢者不
書有關鉅典者方存其名 一凡職官人物見存者祇列
其姓氏履歷不加品評蓋以俟後人之論定焉 一凡未
入名宦鄉賢者各隨其善之大小分著于各名之下用昭
激勸 一凡孝子節婦未經

題旌者皆采坊載入以勵後世

李近陽四川嘉定州人以舉人于康熙五十四年任延川
縣知縣雍正三年與縣人舉人趙玉貢生高偉續增縣志
一卷部分一因劉志近陽叙曰天下者國之積也國者邑
之積也一邑有志推之凡邑皆志而一國之志成矣凡國

皆志而天下之志成矣昔我

聖祖仁皇帝特命詞臣纂修

大清一統志上自國都下逮郡邑皆得備錄一方之土產人物田賦丁役昆蟲草木雨旱災祥之故登諸簡編所以別疆域也考延川志自前劉令纂修而後距今六十餘年其間筮仕茲邑茂著龔黃之業者有人異才而隱于下吏者有人學博而繼蘇湖之教驛宰而極皇華之選者有人生長千斯者科甲則連鑣而起明經則按歲而登或遊太學而知名或以刀筆而起家忠孝節義足以立萬古之綱常薄蝕災禳可以昭天心之示警諸如此類猶及老成尚在

遺文未墜而續貂于後足以補風化于萬一也予以天末
鄙儒待罪茲邑甫踰歲值西塞軍興從役八載癸卯秋始
得返署日擊延川荒殘人民逃散既不能繕監門之圖又
無可矯長孺之詔中夜焦勞撫字無術故不得已而求蠲
逋賦又不得已而懇緩催科幸蒙

皇

恩浩蕩蠲賑頻施天心轉圜大有送書菜色之民皆享溫
飽流移之子漸復故鄉予以延川百年來額設之公費
重累吾民盡舉而革之由是民則室盈婦寧士則家絃戶
誦地方頗有起色予故于簿書之暇披閱縣志見已載者
炳若日星未載者聽其湮沒何以發潛德之幽光而立後

世之楷模乎爰屬邑之紳士商之悉有同志焉除山川城郭等已載舊志不贅外自康熙初年以迄于今凡舊志所未錄者補之付諸梓人以示將來以砥風化是余區區之志也至潤色文章以俟後之君子

定邊縣新設無志一切事宜俱據乾隆四十四年知縣張國楠所上縣冊

靖邊縣新設無志一切事宜俱據乾隆四十四年知縣趙贊所上縣冊

延安府志卷六十三

雜錄

前志于紀事外立僭竊一門于例未確今改作雜錄錄宋李彝興等及明末李自成張獻忠三傳是三傳篇編雖廣然于延安事幾十居其六故詳載焉

宋史外國一卷上

李彝興夏州人也本姓拓跋氏唐貞觀初有拓跋赤辭者歸唐太宗賜姓李置靜邊等州以處之其後折居夏州者號平夏部唐末拓跋思恭鎮夏州統銀夏綏宥靜五州地討黃巢有功復賜李姓思恭卒弟思諫代爲定難軍節度

使思諫卒思恭孫夔昌嗣梁開平中夔昌遇害將士立其
族子蕃部指揮仁福仁福卒子夔興嗣事具五代史夔興
夔超之弟也本名夔殷避宋宣祖諱改殷爲興初爲行軍
司馬清泰二年夔超卒遂加定難軍節度使晉初加同平
章事開運初契丹投西南招討使漢初加兼侍中周初加
中書令顯德初封西平王世宗卽位加太保恭帝初加太
傅宋初加太尉北漢劉鈞結代北諸部來寇麟州夔興遣
部將李夔玉會諸鎮兵禦之鈞衆遂引去建隆初獻馬三
百匹太祖大喜親視攻玉爲帶且召使問曰汝帥腹圍幾
何使言夔興腰腹甚大太祖曰汝帥真福人也遂遣使以

帶賜之乾德五年卒太祖廢朝三日贈太師追封夏王子
克睿立 克睿初名光睿避太宗諱改光爲克藝與之
卒自權知州事授檢校太保定難軍節度使開寶九年卒
兵破北漢吳堡砦斬首七百級獲牛羊千計俘砦主侯遇
以獻累加檢校太尉太平興國三年卒太宗廢朝二日贈
侍中子繼筠立 繼筠初爲衙內都指揮使檢校工部
尚書克睿卒自權知州事授檢校司徒定難軍節度觀察
留後太宗征北漢繼筠遣銀州刺史李光遠綏州刺史李
光憲率蕃漢兵列陣渡河畧太原境以張軍勢太平興國
五年卒弟繼捧立 繼捧立以太平興國七年率族人

入朝自土世以來未嘗親覲者繼捧至太宗甚嘉之賜白金千兩帛千匹錢百萬祖母獨孤氏亦獻玉盤一金盤三皆原賚之繼捧陳其諸父昆弟多相怨願留京師乃遣使夏州護總麻已上親赴闕授繼捧彰德軍節度使并官其昆弟夏州蕃落指揮使克信等十二人有差遂曲赦銀夏管內太宗嘗宴羣臣苑中謂繼捧曰汝在夏州用何道以制諸部對曰羌人鷙悍但羈縻而已非能制也弟權知夏州克文來朝以唐僖宗所賜其祖思恭鐵券及朱書御札來上改博州防禦使初繼捧之人也弟繼遷出奔及是數來爲邊患有言繼遷悉知朝廷事蓋繼捧泄之乃出爲崇

信軍節度使克憲爲道州防禦使克文遣歸博州並遷常
叅官爲通判以專郡政端拱初改感德軍節度使屢發兵
討繼遷不克用宰相趙普計欲委繼捧以遼事合圖之因
召赴闕賜姓趙氏更名保忠太宗親書五色金花牋以賜
之授夏州刺史克定難軍節度使夏銀綬宥靜等州觀察
處置押番落等使賜金器千兩銀器萬兩并賜五州錢帛
芻粟田園保忠辭曰晏於長春殿賜襲衣玉帶銀鞍馬錦
絲二千匹銀器三千兩又賜錦袍銀帶五百副馬百匹至
鎮數月上言繼遷悔過歸欵乃授繼遷官然實無降心也
二年加保忠特進同中書門下平章事淳化初與繼遷戰

於安慶澤繼遷中流矢遁去保忠乞師禦繼遷遣商州團練使翟守素率兵援之賜保忠茶百斤上醢十石乃獻白鵠名海東清以久罷敗獵詔慰還之五年繼遷攻靈州遣侍衛馬軍都指揮使李繼隆討之保忠先挈其母與妻子壁野外乃上言與繼遷解怨獻馬五十匹乞罷兵帝覽奏立建中使督繼隆進軍及兵壓境保忠反爲繼遷所圖欲併其衆縛牙校趙光祚襲其營帳保忠方寢聞難作單騎走還城爲大校趙光嗣閉於別室但開門迎繼隆乃執保忠送闕下待罪崇政殿庭帝詰責數四釋之賜冠帶器幣并賜其母金銀器以撫之尋責授右千牛衛上將軍封安

罪侯賜第京師保忠狀貌雄毅居環列奉朝請常快快不自得咸平中丁內艱以本官起復遷金吾衛上將軍判岳州移復州景德元年病劇上言有子永哥不省乞配表州帝以其病語乃授永州別駕詔監軍察之尋卒贈威塞軍節度使克文亦死贈岳州防禦使天禧四年錄其孫從吉爲三班奉職

繼遷繼捧族弟也高祖思忠嘗從兄思恭討黃巢拒賊於渭橋表有鐵鶴射之沒羽賊駭之遂先士卒戰沒禧宗贈宥州刺史祠于渭陽曾祖仁顏仕唐銀州防禦使祖葵景嗣于晉父光儼嗣于周建隆四年繼遷生于銀州無定河生而有齒開寶七年授定難軍管內都

知蕃落使繼捧之歸宋時年二十留居銀州及使至召總
麻親赴闕乃詐言乳母死出墓于郊遂與其黨數十人奔
入地斤澤澤距夏州東北三百里太平興國八年知夏州
尹憲與都巡檢曹光實偵知夜襲破之斬首五百級焚四
百餘帳繼遷與其弟道免獲其母與妻繼遷復連聚豪族
轉遷無常漸以疆大而西人以李氏世著恩德徃徃多歸
之繼遷因語其豪右曰李氏世有西土今一旦絕之爾等
不忘李氏能從我興復乎衆曰諾遂與弟繼冲破丑重遇
貴張浦李大信等起夏州乃詐降誘殺曹光實于葭蘆川
遂襲銀州據之時雍熙二年二月也三月破會州焚毀城

郭而去三年遼以義成公主嫁繼遷冊爲夏國王四年知
夏州安守中以三萬衆戰于王亭鎮敗績繼遷追至城門
而返端拱元年繼捧之節制夏臺言能歸款卽授落苑使
銀州刺史淳化初復與繼捧戰于安慶澤不利轉攻夏州
繼捧乞師及翟守素來及奉表歸款授銀州觀察賜名保
吉子德明管内蕃落使行軍司馬淳化四年轉運副使鄭
文寶議禁鹽池用困繼遷數月邊人四十二族萬餘騎
寇環州屠小康堡太祖乃遣錢若水弛其禁因撫慰之五
年正月繼遷徙綏州民于平夏部將高文旺等因衆不樂
反攻敗之繼遷復圍堡砦掠居民焚積聚遂攻靈州詔遣

李繼隆等進討繼遷夜襲保忠走之獲其輜重以歸七月
乃獻馬以謝又遣弟廷信獻馬橐駝太宗撫賚甚厚遣內
侍張崇貴詔諭賜茶藥器幣衣物至道初遣左都押衙張
浦以橐駝及良馬來獻太宗令衛士翹鬪超乘引疆奪樂
於後圍俾浦口觀旦令兵士皆拓兩石弓帝笑問浦曰羌
人敢敵否浦曰羌部弓弱矢短但見此大人則已遁矣况
敢敵乎繼遷乞禁邊盜掠詔令謹守疆場還所掠物遣閣
門副使馮訥中使賈繼隆持詔拜繼遷鄜州節度使不受
乃以浦爲鄜州團練留京師繼遷表鄭文寶誘其部長鬼
囉鬼悉遂貶文寶藍山令繼遷以十騎攻清遠軍守臣張

延擊退之二年春命洛苑使白守榮等護送芻粟四十萬于靈州且令車重先後作三隊丁夫持弓矢自衛士卒布方陣以護之遇敵則戰可以無失復令會州觀察使田紹斌率兵應援而守榮乃併爲一運繼遷邀擊于蒲洛河紹斌不救衆潰運餽盡爲繼遷所得太宗聞之怒三年復命李繼隆爲還慶等州都部署會四方節使曹璨自河西至言繼遷衆萬餘圍靈武城中上表告急爲繼遷所得遂頓兵不去時朝議或云率輕騎三道禱平夏或云暑涉旱海無水泉糧運艱辛不如靜以待之帝不聽九月親部分諸將繼隆出環州丁罕出慶州范廷召出延州王超出夏州

張守恩出鄜州五路進討直抵平夏繼隆以還州路迂乃自青岡峽達靈武徑趨平夏兵行數日與丁罕合又行十餘口無所見乃引還張守恩遇之不戰而遁王超范廷召遇之于烏白池大小數十戰不利諸將失期士卒困乏繼遷復令軍主史部駐屯橐駝口以阻歸宋人繼隆遣田敏等擊之咸平春繼遷復表不順真宗乃授夏州刺史定難軍節度夏銀綬宥靜等州觀察處置押蕃落等使加邑千戶實封二百戶益功臣號乃放張浦還復遣押衙劉仁謙表讓恩命詔不允賜仁謙錦袍銀帶尋遣弟繼瑗來謝恩授繼瑗亳州防禦使封繼遷母衛慕氏衛國太夫人子德

明爲定難軍節度行軍司馬未幾復抄邊四年麟府副部
署曹璨率熟戶兵邀繼遷輜重于柳投川殺獲甚衆九月
來攻破定州懷遠縣及堡靜永州清遠軍監軍段義判城
遂陷五年三月繼遷大集蕃部攻陷靈州以爲西平府六
年春遂都于靈州詔遣張崇貴王涉議和割河西銀夏等
五州與之六月復以二萬騎圍麟州詔金明巡檢李繼周
擊之圍未解麟州部署請濟師真宗閱地圖曰麟州依險
三面孤絕戮力可守但城中乏水可憂耳乃遣兵走援繼
遷果據水砦薄城已五日知州衛居竇出其兵突戰絕勇
士城下城上鼓噪矢石如注殺傷萬餘人繼遷乃拔去遂

率衆攻西蕃取西涼府都首領潘羅支僞降繼受之不疑
羅支遠集六谷蕃部反者龍族合擊之繼遷大敗中流矢
八月復聚兵蒲洛河聲言攻環州詔張凝等分兵以待之
景德元年正月二日卒年四十二子德明祥符五年德明
追上繼遷尊號曰應運法天神智仁聖至道應德孝光皇
帝元昊追謚曰神武廟號太祖墓號裕陵 德明小字

阿移母曰順成懿孝皇后野利氏卽位于柩前時年二十
三邊臣以德明初立乞詔撫之因賜詔令審圖去就又詔
蕃族萬山萬遇龐羅逝安萬子都虞候軍主吳守正馬尾
等能率部下歸順者授團練使銀萬兩絹萬匹錢五萬緡

茶五千斤其有亡命叛去者釋罪甄錄旣而康奴都等率
屬來降德明遣牙將王晏奉表歸順賜晏錦袍銀帶遣侍
禁夏居厚持詔答之因詔河西羌族各守疆場德明連歲
表歸順三年復遣牙將仁最奉誓表請藏盟府且言父有
遺命帝嘉之乃授特進檢校太師兼侍中持節都督夏州
諸軍事行夏州刺史上柱國充定難軍節度夏銀綏宥靜
等州管內觀察處置押蕃落等使西平王食邑六千戶食
實封一千戶仍賜推忠保順亮節翊戴功臣遣內侍左右
班都知張崇貴太常博士趙湘等充旌節官告使賜襲衣
金帶銀鞍勒馬銀萬兩絹萬匹錢三萬貫茶二萬斤給奉

如內地因賁子弟入質德明謂非先世故事不遣乃獻御馬一十五匹散馬七百匹橐駝三百頭謝恩四年又獻馬五百匹橐駝三百頭謝給奉廩賜襲衣金帶器幣及請使至京市所需物從之五月母周氏薨除起復鎮軍大將軍右金吾衛上將軍員外置同正員餘如故以殿中丞趙稹爲弔贈兼起復官告使德明以樂迎至柩前明日釋服涕泣對使者自陳感恩及葬請修供五臺山十寺乃遣閤門祇候袁瑀爲致祭使護送所供物至山復獻馬五百匹助修章穆皇后園陵大中祥符元年以天書降加賜守正功臣益食邑一千戶食實封四百戶俄境內旱詔權場勿禁

西入市糧以賑其乏東封又遣使來獻禮成加兼中書令
益食邑千戶實封四百戶時遼亦遣使冊德明爲大夏國
王明年出兵回鶻恒星晝見德明懼而還三年境內饑上
表求粟百萬朝議不知所出時王旦爲相請敕有司具粟
百萬于京師詔其來取德明旣得詔曰朝廷有人遂止太
起宮室於鐵子山會旱西攻河州甘州宗哥族及秦州緣
邊熟戶遂出大里河築柵蒼耳平四年祀汾陰進中書令
五年聖祖降加守太保七年二月謁太清宮遣使來獻方
物加宣德功臣八年築堡于石州濁輪谷將建榷塲詔緣
邊安撫司止之九年因表邊臣違約招納逃亡云自景德

中進誓表朝廷亦降詔書應兩地必以緣邊雜戶不令停
舍皆俾交還自茲謹守翰垣頗有倫理自向敏中歸闕張
崇貴云亡後來邊臣罕守舊制各務邀功不虞生事遂致
綏延等界涇原以來擅舉兵甲入臣境土其有判亡部族
劫掠主財去者百無十回臣之邊吏亦務蔽藏俱失奏論
漸乖盟約詔答已令鄜延涇原環慶麟府等路約束邊部
毋相攻劫其有隱蔽逃亡盡時勘送本國亦宜戒部下毋
有藏匿各遵紀律以守封疆五年德明追尊繼遷爲太祖
應運法天神智仁聖至道光德光孝皇帝廟號武宗七年
甘露降國中天禧元年正月加守太傅食邑千戶實封四

百戶三年春德明丁繼立母憂除起復如前制以屯田員
外郎上官必爲弔贈兼起復官告使閤門祇候常希古爲
致祭使冬郊祀又加崇仁功臣四年遼主親將兵五十萬
以狩爲言來攻涼旬德明帥衆逆拒敗之五年遼復遣金
吾衛上將軍蕭孝誠賫玉冊金印冊爲尙書令大夏國王
乾興元年加純誠功臣德明自歸順以來每歲旦聖節冬
至皆遣牙校來獻不絕而每加恩賜官告則又以襲衣五
金荔支帶金花銀匣副之銀沙鑼盆合千兩綿綵千匹金
塗銀鞍勒馬一匹副以纓復遣內臣就賜之又遣閤門祇
候賜冬服及頒儀天具注歷明年攻麟州柔遠砦巡檢楊

承吉與戰不利命曹瑋爲環慶秦州緣邊巡檢安撫使禦
備之德明城懷遠鎮爲興州以居仁宗卽位加尚書令懷
明娶三姓衛慕氏生元昊咩迷氏生成遇訛藏屈懷氏生
成嵬天聖六年德明遣子元昊攻甘州拔之八年瓜州王
以千騎降於夏火星入南斗九年十月德明卒時年五十
一追謚曰光聖皇帝廟號太宗墓號嘉陵宋贈太師尚書
令兼中書令以尙書度支員外郎朱昌符爲祭奠使六宅
副使內侍省內侍押班馮仁俊副之賜絹七百疋布三百
疋副以上醯羊米麵將墓賜物稱是皇太后所賜亦如之
帝與皇太后成服於苑中子曩霄立

曩霄本名元昊

小字暹理國語謂惜爲鬼富貴爲理母曰惠慈敦愛皇后
衛慕氏性雄毅多大略善繪畫能製物始圓面高準身
五尺餘少時好衣長袖緋衣冠黑冠佩弓矢從衛步卒張
青蓋出乘馬以二旗引百餘騎自從曉浮圖學通蕃漢文
字案上置法律常攜野戰歌太乙金鑑訣弱冠獨引兵襲
破回鶻夜洛隔可汗王奪甘州遂立爲皇太子數諫其父
母臣宋父輒戒之曰吾久用兵疲矣吾族三十年衣錦綺
此宋恩也不可負元昊曰衣皮毛事畜牧蕃性所便英雄
之生當王霸耳何錦綺爲德明卒卽授持進檢校太師兼
侍中定難軍節度夏銀綬宥靜等州觀察處置押蕃落使

西平王以工部郎中楊吉爲旌節官告使禮賓副使朱允
中副之旣襲封明號令以兵法勤諸部始衣白窄衫毳冠
紅裏冠頂後垂紅結綬自號鬼名吾祖凡六日凡日則見
官屬其官分文武班曰中書曰樞密曰三司曰御史臺曰
開封府曰翊衛司曰官計司曰受納司曰農田司曰羣牧
司曰飛龍院曰磨勘司曰文思院曰蕃曰學漢學自中書
令宰相樞使大夫侍中太尉已下皆分命蕃漢人爲之文
資則幘金鏤冠黑漆冠衣紫旋襪金塗銀束帶垂蹠蹠佩
解結錐短刀弓矢韉馬乘鯢皮鞍垂紅纓打跨鍍拂使服
則紫旱地繡盤毬子花旋襪束帶民庶青綠以別貴賤每

率兵必率部長與徽有獲則下馬環坐飲割鮮而食各問
所見擇取其長初宋改元明道元吳遵父諱稱顯道於國
中景祐元年遂攻環慶路殺掠居人下詔約束之是歲改
元開運踰月或告以石晉敗亡年號也乃改廣民元年母
衛慕氏死遣使來告哀起復鎮軍大將軍左金吾衛上將
軍員外置同正員以內殿崇班閻門祗候王中庸爲致祭
使起居舍人郭勸爲弔贈兼起復官告使慶州柔遠砦蕃
部巡檢鬼通攻破後橋諸堡於是元昊稱兵報仇緣邊都
巡檢楊遵柔遠砦監押盧訓以兵七百與戰于龍馬嶺敗
績環慶路都監齊宗矩走馬承受趙德宣寧州都監王文

援之次節義卒伏兵發執宗知久之始放歸二年加兼中書令遣其令公蘇奴兒將兵二萬五千攻唃廝囉敗死略盡蘇奴兒被執元昊自率衆攻犛牛城一月不下旣而詐約和城開乃大縱殺戮又攻青唐安二宗哥帶星嶺諸城唃廝囉部將安子羅以兵絕歸路元昊晝夜角戰二百餘日子羅敗遂取瓜沙肅三州元昊旣還欲南侵恐唃廝囉制其後復舉兵攻蘭州諸羌侵至馬衙山築城凡川元昊旣悉有夏銀綬宥靜靈鹽會勝甘涼瓜沙肅而洪定威龍皆卽堡鎮號州仍居興州阻河依賀蘭山爲固始大建官以鬼名守全張陸張絳楊廳徐敏宗張文顯輩主謀議以

鍾離臣典文書以成通克成賞都卧都如定多多馬寶惟
吉王兵馬野利仁榮主蕃學置十二監軍司委蒙石分統
其衆自河北至午臘蕩山七萬人以備契丹河南洪州白
豹安鹽州羅落天都惟精山等五萬人以備還慶鎮戒原
州左廂宥州路五萬人以備鄜延麟府右廂甘州路三萬
人以備西蕃回紇賀蘭駐兵五萬人興州興慶府七萬人
爲鎮守總五十餘萬而善戰倚山訛山訛者橫山羗平夏
兵不及也選豪族善弓馬五千人失直號六班直月給米
二石鐵騎三千分十部發兵以銀牌召部長面受約束設
十六司于興州以總庶務元昊自制蕃書命野利仁榮演

釋之成十二卷字形體方整類八分而書頗重復教國人紀事用蕃書而譯孝經爾雅四言雜字爲蕃語復改元大慶宋寶慶元年表遣使詣五臺山供佛寶欲窺河東道路與諸豪歃血約先攻鄜延欲自靖德塞門砦赤城路三道並入迸築壇受冊卽皇帝位時年五十遣潘七布呂里馬乞點兵集蓬子山自詣西涼府祠神明年遣使上表曰臣祖宗本出帝胄當東晉之末運剝後魏之初基遠祖思恭當唐季率兵拯難受封賜姓祖繼遷心知兵要手偃乾符大舉義旗悉降諸部臨河五郡不旋踵而歸沿邊七州悉券肩而克父德明嗣奉世塞勉從朝命真王之號風惑于

頒寫尺土之封顯蒙於割裂臣偶以狂斐制小蕃文字改
大漢衣冠衣冠既就文字既行禮樂既張器用既備吐蕃
塔塔張掖交河莫不從伏稱王則不喜朝帝則是從輻輳
慶期止呼齊舉伏願一垓之土地建爲萬乘之邦家于時
再讓靡遑羣集又迫事不得已顯而行之遂以十月十二
日郊壇備禮爲世祖始文本武興法建禮仁孝皇帝國稱
大夏年號天授禮法延祚伏望皇帝陛下睿哲成人寬慈
及物許以西效之地冊爲南面之君敢竭愚庸常敦歡好
魚來屬往任傳鄰國之音地久天長永鎮邊方之患至誠
瀝懇仰俟帝俞謹遣弩涉俄疾你斯岡隊普令濟鬼崖姪

奉表以聞詔削奪官爵互市揭榜於邊募人能擒元昊若
斬首獻者卽是定難軍節度使又遣賀永年齎嫚書納旌
節及所授敕告置神明匣留歸孃族而去康定元年環慶
路鈐轄高繼隆知慶州張崇俊攻後橋而柔遠砦主武英
入自北門拔之未幾夏人攻金明砦執都監李士彬父子
破安遠寨門永平諸砦圍延州設伏三川口執劉平石元
孫傳偃劉發石遜等又攻鎮戎軍敗劉繼宗李縉兵五千
環慶部署任福入白豹城焚其積聚破四十一寨慶歷元
年二月攻朔州通懷遠城韓琦徼巡邊至高平盡發鎮戎
兵及募勇士得萬人命行營總管任福等併擊之都監桑

憚爲前鋒鈐暗朱觀都監武英繼之福申令持重其夕宿
三川夏人已過懷遠東南翌日諸軍躡其後西路巡檢常
鼎劉肅與夏人對壘于張家堡憚以驍兵邀之福分兵夕
與憚爲一軍屯好木川川與能家川隔在龍山外觀英爲
一軍屯籠洛川相離五里期以明日會兵不使夏人一騎
遁然已陷其伏中矣元昊自將精兵十萬營于川口候者
言夏人有砦數不多兵益進詰旦福與憚循好木川西去
未至羊牧隆城五里與夏軍遇憚爲先鋒見道傍置數銀
泥合封襲謹密中有動躍聲疑莫敢發福至發之乃懸哨
家徧百餘自合中起盤飛軍上於是夏兵四合憚先犯中

軍繼之自辰至午酣戰陣中忽樹飽老旗長二丈餘懾等不知旣而飽老揮右則右伏出揮左則左伏出翼而襲之宋師大敗劉肅及福子懷亮皆戰沒小校劉進勸福自拔福不聽力戰死初渭川都監趙津將瓦亭塞騎兵三千餘爲諸將後繼是日朱觀武英兵會能家川與夏人遇陳合王珪白羊牧隆城以屯兵四千五百人助觀略陣陣堅不可動英重傷不能出軍戰自午至申夏軍益至東陣並兵大潰衆遂奔珪英津及黎軍敗傳隊將李簡都監李禹享劉均皆死於陣觀以千餘人保民垣發矢四射會暮夏軍引去將校士卒死者萬三百人闕右震動軍須日廣三司

告不足仁宗爲之吁食宋庠請修潼關以備衝突秋夏人
轉攻河東及麟府不能下乃引兵攻豐州城孤無援遂據
之又破寧遠砦屯要害絕麟府餉道楊偕始請棄河外保
合河津帝不許會張亢管勾麟府軍馬事被之于楮子又
破之于兔毛川亢築十餘柵河外始固元昊雖數勝然死
亡剝瘼者相半人困於黠集財力不給國中爲十不如之
謠以怨之元昊乃歸塞門砦主高延德因乞和知延州范
仲淹爲書陳禍福以喻之元昊使其親信野利旺榮復書
語猶媿知延州龐籍言夏境鼠食稼且旱元昊思納款遂
令知保安軍劉拯諭旺榮言公方特靈夏兵倘內附當以

西平茅土分冊之知青澗城种世衡又遣王嵩以棗及書
龜爲書置蠟丸中遺旺榮論以早歸之意欲元昊得之疑
旺榮旺榮得之笑曰种使君亦長矣何爲此兒戲耶囚嵩
窖中歲餘知渭州王沿總管葛懷敏使僧法淳持書往而
旺榮乃出嵩與教練使李文貴至青澗城自言用兵以來
費用困乏人情便於和籍疑其效吾軍留之數月三年復
大入戰於定州宋師大敗葛懷敏死之直抵渭川大焚掠
而去詔籍招納籍遣文貴還月餘元昊使文貴與王嵩以
其臣榮旺其弟旺令嵬名環瓌臥譽諍三人書議和然屈
強不肯削僭號且云如日方中止可順天西行安可逆天

東下籍以其言未服乃令自請而詔籍復書許之明年遣
六宅使伊州刺史賀從場與文貴俱來猶稱男邦泥定國
元卒上書父大宋皇帝更名纁哲而不稱臣元卒即吾祖
也如可汗號議者以爲改吾祖爲元卒特以侮玩朝廷不
可許詔遣邵良佐張士元張子奭王正倫更往議且許封
冊爲夏國主而元昊亦遣加定聿捨張延壽楊守素繼來
四年始上誓表言兩失和好遂歷七年立誓自今願藏盟
府其前日所掠將校民戶各不復還自此有邊人逃亡亦
毋得襲遂臣近以本國城砦進納朝廷其栲栳鐮刀南安
承平故地及他邊境蕃漢所居乞畫中爲界於內聽築城

堡凡歲賜銀綺絹茶二十五萬五千乞如常數臣不復以
他相干乞頒誓詔蓋欲世世遵守永以爲好倘君親之義
不存或臣子之心渝變使宗祀不永子孫罹殃詔答曰朕
臨制四海廓地萬里西夏之土世以爲胙今乃納忠悔咎
表於信誓煩之日月要之鬼神及諸子孫無有渝變申復
懇至朕甚嘉之俯閱來誓一皆如約十二月遣尙書祠部
員外郎張子奭充冊禮使東頭供奉官閻門祇候張子元
副之仍賜對衣黃金帶銀鞍勒馬銀二萬兩絹二萬疋茶
三萬斤冊以漆書竹簡籍以天下樂錦金塗銀印方二寸
一分文曰夏國主印錦綬塗金銀牌緣冊法物皆銀裝金

並裝以紫繡約稱臣奉正朔改所賜敕書爲召而不召計
自置官屬使至京就驛買賣宴坐朶殿使至其國相見川
賓客禮置榷場于保安軍及高平砦第不通青鹽法然宋
每遣使往館于宥州終不復至興慙而元昊帝其國中自
若也是歲遼夾山部落杲兒族八百戶歸元昊興宗貴還
元昊不遣遂親將騎兵十萬出金肅城弟天齊王馬步軍
大元帥將騎七千出南路韓國王將兵六萬出北路三路
濟河長驅興宗入夏境四百里不見敵據得勝寺南壁以
待八月五日韓國王自賀蘭北與元昊接戰之數勝之遼
兵至者日益夏乃請和退十里韓國王不從如是退者三

凡百餘里矣每退必楮其地遼馬如所食因許和夏乃遷
延以老其師而遼之馬益病因急攻之遂敗復攻南壁興
宗大敗入南樞王蕭孝友若擒其突厥姑附馬興宗從數
騎走元吳縱其去元吳五月五日生國人以其日相慶賀
又以四孟朔爲節凡五娶一曰大遼興平公主二曰宣穆
惠文皇后沒藏氏生諒祚三曰憲成皇后野力氏四曰妃
沒彫氏五曰索氏元吳以慶歷八年正月殂年四十六在
位十七年改元開運一年廣運二年大慶二年天授禮法
延祥十一年諡曰武烈皇帝廟號景宗墓號泰陵宋遣開
封府判官尚書祠部員外郎曹穎叔爲祭奠使六宅使達

州刺史鄧保信爲弔慰使賜絹一千疋布五百端羊百口
麩米各百石酒百瓶及糞仍賜絹一千五百疋餘如初賻
子諒祚立 諒祚景宗長子也小字寧令哥國語謂歡
嘉爲寧令兩岔河名也母曰宣穆惠文皇后沒藏氏從元
吳出獵至此而生諒祚遂名焉以慶歷七年丁亥二月六
日生八年戊子正月方期歲卽位四月遣尙書刑部員外
郎任顓充冊禮使共備庫使朱守約充副使冊諒祚爲夏
國主嘉祐元年母沒藏氏薨遣祖儒鬼多聿則慶唐及徐
順卿來告哀詔以集賢校理馮浩假尙書刑部郎中直使
館爲弔慰使文思副使張惟清假文思使副之乃獻遺留

馬駝以謝諒祚幼養于母族訛龐訛龐因專國政初麟州
西城枕睥睨曰紅樓下瞰屈野河其外距夏境尙七十里
而田腴利厚多入訛龐歲東侵不已至耕獲時輒屯兵河
西經略使龐籍每戒邊將使毋得過屈野河然所距屈野
河猶二十里管勾軍馬司賈遠徼循見所侵田稍過督邊
吏麟州守王亮懼始以事聞詔以殿直張安世賈恩爲同
巡檢經制之訛龐晏然弗革迫之則格鬪緩之則歸耕經
略司遣使還所侵由訛龐專爲謫言無歸意嘉祐二年遂
團兵宿境上逮三月增至數萬人守將歛兵弗與戰知麟
州武戡築堡于河西以爲保障役旣興戡率將吏往按視

遇夏人于沙鼠浪戡與管勾郭思等欲正而走馬承受黃
道元以言脅之遂夜進至卧牛峯見烽舉且鼓聲道元猶
不信比明至忽里惟與夏人相去纔數十步遂合戰白旦
至食時夏人四面合擊衆大潰戡走恩與道元及兵馬監
押劉慶等被執安撫司遣李思道孫光徃議壇事而訛龐
驚不聽久之太原府代州兵馬鈐轄蘇安靜得夏國呂寧
拽浪撩黎來合議乃築堠九更新邊禁要以違約則罷和
市自此始定諒祚忌訛龐專或告訛龐將叛諒祚討殺之
夷其族已而請去蕃禮從漢儀加祐六年上書自言募中
國衣冠明年當以此迎使者詔許之明年又改西壽監軍

司爲保泰軍石州監軍司爲靜塞軍韋州監軍司爲祥祐
軍左廂監軍司爲神道勇軍遣人獻方物稱宣徽南院使
詔諭非陪臣所宜稱戒其僭擬使遵誓詔表永太宗御製
草詩隸書石本且進馬五十匹求九經唐史冊府元龜及
宋正至朝賀儀詔賜九經還所獻馬治平初求復榷場不
許旣而遣吳宗等來賀英宗卽位詔令門見使者不從至
順天門且欲佩魚及儀物自從引半高宜禁之不可留止
輒置一夕絕其供饋宗語不遜宜折之使如故事良久乃
聽入及賜食殿門又訴於押伴張覲詔命還赴延州與宜
辨宗度理屈不復置對遂詔諒祚懲約之夏人出兵秦鳳

涇原抄熟戶擾邊塞弓箭手殺掠人畜以萬計程戡王素
孫長卿論安諸族首領防誘脇散叛遣文思副使王無忌
齎齎詔問之諒祚遷延弗受已而因賀正使荔茂先獻表
歸罪宋邊吏三年遂大舉攻大順城分兵圍柔遠砦燒屈
乞村柵段木嶺州兵熟戶蕃官趙明合擊退之遣西京左
藏庫副使何次公詰之三月乃獻方物謝罪賜絹五百疋
銀五百兩神宗卽位乃遣內殿崇班魏瑛賜以治平三年
冬服銀絹共備庫副使高遵裕告哀並以英宗遺留物賜
之秋夏國遣使奉慰及進助山陵冬种諤取綏州因發兵
夜掩鬼名山張脇降之諒祚乃詐爲會議誘知保安軍楊

定都廵檢待其臻等殺之邊吏以聞命韓琦知永興軍經
畧西方諒祚銅送殺定者六宅使李崇貴左侍禁韓道善
及虜去定子仲通十二月諒殂年二十一在位二十年改
元延嗣寧國一年天祐垂聖三年福聖承道四年禪都六
年拱化五年謚曰昭英皇帝廟號毅宗墓號安陵子秉常

立